

永樂大典

卷六千七百六十
六

永樂大典卷之六千七百六十六

十八陽

王

宗室封王三十 金元

幽王

金史列傳王宗國本名胡魯天會十五年為燕京留守封幽王
宗雅本名胡魯補封代王宗偉本名阿魯補封虞王宗英本名
斛沙虎封滕王宗懿本名阿鄰封薛王宗本本名阿魯封原王鶴懶封翼
王宗美本名胡里甲封豐王神土門封鄂王斛字末封霍王幹烈封恭王
宗哲本名鶴沙封畢王皆天眷元年受封宗順本名阿魯帶天會二年薨
皇統五年贈金紫光祿大夫後封徐王宗磐既誅熙宗使宗國子京往燕
京慰諭宗國既而翼王鶴懶從與行臺左丞相徒懶謀反伏誅詔曰燕京
留守幽王宗國等或謂當紀屬籍朕所不忍宗國等但不得稱皇叔其母
妻封號從而降者審依舊典皇統二年復封宗雅為代王宗國為判大宗
正三年為大保右丞相兼中書令是歲薨海陵在熙宗時見太宗諸子勢
優而宗磐尤跋扈與鶴懶相繼皆以逆誅心忌之熙宗厚於宗室禮遇不
薄海陵嘗與德唐括辯私議主上不宜寵遇太宗諸子太甚及篡奪攝

永樂大典卷之六千七百六十六

莫大廟韓王亨素號材武使攝右將軍密諭之曰爾勿以此職為輕朕疑
太宗諸子太彊得卿衛左右可無慮耳遂與秘書監蕭裕謀去宗本兄弟
太宗子孫於是焉
盡語在宗本傳中

原王

金史列傳原王宗本本名阿魯皇統九年為右丞相兼中書令
進大保領三省事海陵篡立進大保領三省事初宗幹謀誅宗
亮故海陵心忌太宗諸子熙宗時海陵私議宗本等勢強主上不宜優寵
太甚及篡立猜忌益深遂與秘書監蕭裕謀殺太宗諸子誣以秉德出領
行臺與宗本別因會飲約內外相應使尚書省令史蕭王告宗本親謂王
言以汝於我故舊必無它意可布腹心事領省臨行言彼在外論說軍民
無以外患為慮若太傅為內應何事不成又云長子鎖里虎當大責因是
不令見主上宗本又言左丞相於我及我妃處稱主上近日見之輒不喜
故心常恐懼若太傅一日得大位此心方安唐括辯謂宗本言內侍張彥
善相相太傅有天子分宗本答曰宗本有兄東京留守在宗本何能為是
時宗美言太傅正是太宗主家子報太傅便合為北京留守下臨行與宗
本言事不可遲宗本與王言大計只於日近圍場內予決宗本因以馬一

永樂大典

卷六七六六

匹袍一領。與王克表識物。王恐圍場日近身糜於外不能親奏。遂以告祕書監蕭裕。裕具以聞。蕭玉出入宗本家。親信如家人。海陵既與蕭裕謀殺宗本。東德詔天下。恐天下以宗本東德輩皆懿親。大臣本無反狀。裕構成其事。而蕭玉與宗本厚。人所共知。使玉上變。庶可示信。於是使人召宗本等。擊鞠海陵。先登樓命左衛將軍徒單特思及蕭裕。妹塔近侍局副使耶律闌離刺小底宦伺宗本及判大宗正事宗美。至即殺之。宗美本名胡里甲。臨死神色不變。宗本已死。蕭裕使人召蕭玉。是日玉送客出城。醉酒露髮。披衣以車載。至裕第。蕭裕使人召蕭玉。是日玉送客出城。醉酒露人所累得罪。故至此以頭觸屋壁。號咷曰。臣未嘗犯罪。老母年七十。願哀憐之。裕附耳告之曰。主上以宗本諸人不可留。已誅之矣。欲加以反罪。今汝主告其事。今書汝告款。已具上。即問汝。汝但言宗本輩反。如狀勿復異詞。恐禍及汝家也。裕乃以中服與玉。引見海陵。海陵問玉。王言宗本反。具如裕所教。海陵遣使殺東京留守宗懿。北京留守卞及邊益都尹畢王宗哲。平陽尹東左宣徽使京等家屬。分置別所。止聽各以奴婢五人自隨。既而使人要之於路。并其子男無少長皆殺之。而中京留守宗雅喜。事佛世稱善。大王海陵知其無能。將存之以奉太宗。後召至闕。不數日竟殺之。太

永樂大典卷六七六六

二

宗子孫死者七十餘人。太宗後遂絕。卞本名可善。東本名胡離。改京宗。同于本名胡石。蕭玉既如蕭裕教。對海陵。海陵遂以宗本東德等罪。詔天下。以玉上變實之。海陵使太府監完顏馮六籍宗本諸家。戒之曰。珠玉金帛入於官。什器吾將分賜諸臣。馮六以此不復徇籍。什器往往為人持去。馮六家童亦取其禮木屏風。少監劉景前為監丞。時太府監夫大。茶積盡焚毀。數月方取。諸司簿帳補之。監吏坐是。稽緩當得罪。景為吏倒。暑年月太倉都監焦子忠與景有舊。坐適。負久不得調。景為盡力出之。久之馮六與景就官中相念。舉馮六言。景倒暑年月及出。焦子忠事御史劾奏。景黨誘馮六家奴。發盜屏事。馮六自陳於尚書省。海陵使御史大夫趙資福大理少卿許玠雜治。資福等奏馮六非自盜。又嘗自首。海陵素惡馮六。與宗室游從。謂宰臣曰。馮六嘗用所盜物。其自首不及。此法盜官中物者死。諸物已籍入官。與官中物何異。謂馮六曰。太府掌官中財。賄汝當防制。姦欺而自用盜物。於是馮六棄市。資福玠生鞠。獄不盡決。杖有差。景亦伏受。焦子忠賂金。海陵曰。受金事無左驗。景倒暑年月以先吏罪。是不可恕。遂殺之。大定二年。追封宗。國魯王。宗雅。曹王。宗順。隋王。宗懿。鄭王。宗美。衛王。宗哲。韓王。宗本。滋王。神土門。幽王。斛律。東瀛王。韓烈。鄂王。胡里。改胡什。資

可善並贈金吾衛上將軍惟宗磐阿魯補斛沙虎鶻懶四人不得加封

豐王 豐王名宗美本名胡里甲太宗子也天眷元年受封官至判大宗正事海陵時與原王宗本同被殺大定二年追封衛王詳前傳

代王 代王名宗雅本名斛魯補太宗子也天眷元年受封海陵時為中京留守喜事佛稱善大王海陵知其無能將存之以奉太宗

後召至闕不數日竟殺之大定二年追封曹王詳前傳

虞王 虞王名宗偉本名阿魯補太宗子也天眷元年受封海陵時被殺詳前傳

滕王 滕王名宗英本名補沙虎太宗子也天眷元年受封海陵時被殺詳前傳

薛王 薛王名宗懿本名阿璘太宗子也天眷元年受封官至東京留守海陵時被殺大定二年追封鄭王詳前傳

翼王 翼王名鶻懶太宗子也天眷元年受封後與行臺左丞相徒懶謀反伏誅詳前傳

永樂大典卷六千七百六

三

鄆王 鄆王名神土門太宗子也天眷元年受封海陵時被殺大定二年追封幽王詳前傳

霍王 霍王名斛李末太宗子也天眷元年受封海陵時被殺大定二年追封瀋王詳前傳

蔡王 蔡王名幹烈太宗子也天眷元年受封海陵時被殺大定二年追封鄂王詳前傳

畢王 畢王名宗哲本名鶻沙太宗子也天眷元年受封海陵時被殺大定二年追封韓王詳前傳

徐王 徐王名宗順本名阿魯帶太宗子也天會二年薨皇統五年贈金紫光祿大夫後封徐王太定二年追封隋王詳前傳

代王 金史列傳代王克本名神土滿母李氏徒單氏以為己子熙宗初加光祿大夫天眷間為汴京留守皇統間封滿國公為吏部

尚書進封代王遷同判大宗正事九年拜右丞相是歲薨追封鄭王

魏王 大定二十二年追降儀同三司左丞相子檀奴元奴耶補兒阿里白金史列傳魏王道濟熙宗子也皇統三年命為中京留守以直學士阿懶為都提點張玄素為同提點左右輔導之俄封魏王

封其母為賢妃。初居外廷是養之宮中。未幾。熙宗怒殺之。

衛王

金史列傳衛王襄。本名永慶。海陵母弟。為輔國上將軍。卒。天德二年。追封衛王。再贈司徒。大定二十二年。追降銀青光祿大夫。子和尚封應國公。賜名樂善。左宣徽使許霖之子。知彰與和尚鬪爭。其母妃命定奴。俾入凌辱之。使人變霖至第。毆害之。明日霖訴于朝。詔大興尹蕭玉左丞良弼權御史大夫張忠輔。左司員外郎王金雜治妃杖一百。殺其家奴。為首者餘決杖。有差霖嘗跪于妃前。夫大臣體及所訴。有妄。皆二十。大定間家奴小僧月一妄言和尚熟寢之次。有異微。襄妃僧酷以為信。然召日者李端卜之。端云。當為天子司天。張友直亦云。當大貴。家奴李添壽上變。僧酷和尚下吏。驗問有狀。皆伏誅。上曰。朕嘗痛海陵。翦滅宗族。今和尚所為如此。欲貸其罪。則妖妄誤惑。愚民者。使以為真。不可不滅。朕於此。予蓋示得已也。傷閔者久之。

宿王

金史列傳宿王荆思。河補正隆元年四月生。小底東勝家。保養之。賜東勝錢十萬。仍為起。第五月己酉。猶月封其母唐括

永樂大典卷六十六

四

氏為柔妃。賜京師貧者五千人錢。人錢二百。二年。荆思阿補生日。海陵與永壽太后及皇后太子光英。幸東勝家。三年正月五日。荆思阿補薨。海陵殺太醫副使謝友正。醫者安宗義及其乳母杖東勝一百。除名。明日追封荆思阿補為宿王。葬大房山。諫議大夫楊伯雄入直禁中。因直者相語。伯雄曰。宿王之死。蓋養于宮外。供護雖謹。不若父母膝下。豈國家風俗素尚如此。或以此言。吾海陵海陵大怒。謂伯雄曰。爾臣子也。君父所為。豈得言風俗。官禁中事。豈爾當言。朕或體中不佳。聞不視朝。祇是少得人幾拜耳。而庶事皆廢。朕決便殿。縱有死刑。不即論決。蓋使囚者得緩其死。至於除控宣勅。雖復稽緩。有何利害。朕每當聞暇。頗閱教坊聲樂。聊以自娛。書云。內作色荒。外作禽荒。酣酒嗜音。峻宇雕牆。有一於此。未或不亡。此戒人君不恤國事。溺於此者耳。如我雖使聲樂宣動天地。宰相敢有濫與人官。而吏敢有受賂者乎。外間敢有竊議者。吾爾諫官也。有可言之事。當公言之。言而不從。朕之非也。而乃私議可乎。伯雄對曰。陛下至德明聖。固無竊議者。愚臣失言。罪當萬死。惟陛下哀憐。海陵曰。本欲殺汝。今祇杖汝二百。既決杖。至四十。使近臣傳詔諭伯雄曰。以爾善。即有舊。今特釋之。

滕王

金史列傳滕王廣陽母南氏本大臬家婢隨元妃大氏入宮。海陵幸之。及有娠。即命為殿直。正隆二年。九月二十六日生。廣陽。十月。滿月。海陵分施在京貧民。凡用錢千貫。三年。二月。封南氏為才人。七月。封廣陽為滕王。九月薨。

鎬王

金史列傳。鎬王水中。本名實魯。刺。又名萬僧。大定元年。封許王。五年。判大興尹。七年。進封越王。十一年。進封趙王。十三年。拜樞密使。十九年。子石古乃。加光祿大夫。是歲。改葬明德皇后于坤厚陵。永中。母元妃張氏。陪葬。十一月。庚申。自磐寧宮發引。永中以元妃柩先發。使執黃纛者前導。俄頃。皇后柩出。磐寧宮。顯宗徒跣。少府監張僅言。呼執黃纛者。不應。既葬。僅言欲奏其事。顯宗解之曰。是何足校哉。或繳人誤耳。僅言乃止。二十一年。改判大宗正事。永中不悅。顯宗勸之曰。宗正之職。自親及疎。自近及遠。此親賢之任也。且皇子之貴。豈以官職。閑劇為計耶。永中乃喜。二十四年。世宗幸上京。顯宗居守。并留永中。顯宗先遣章宗。宣宗。奉表。問起居于上京。既而遣永中于石古乃。光祿大夫。石古乃奉表。世宗喜。謂豫園公。主曰。皇太子孝德天成。先遣二子。繼遣此子。兄弟之際。相友愛如此也。二十五年。六月。世宗在太平山。好水川。清暑。顯宗薨于中都。詔曹王水功視。

永樂大典卷六千七百六

五

章宗召永中赴行在。是歲。與章宗及永功等。並加開府儀同三司。二十六年。復為樞密使。是歲。世宗賜諸孫名。石古乃曰。瑜。神土門曰。璋。阿思邁曰。玘。阿離合邁曰。璟。二十七年。祀年十五以上。加奉國上將軍。章宗即位。起復判西京留守。進封漢王。與諸弟各賜金五百兩。銀五千兩。錢二十貫。重幣三百緡。絹二千匹。再賜永中。脩公廨錢三百萬。特加石古乃。銀青榮祿大夫。阿離合邁。奉國上將軍。明昌二年。正月。辛酉。孝懿皇后崩。判真定府事。吳王永成。判定武軍節度使。隋王永升。奔喪。後期。各罰俸一月。杖其長吏五十。永中適有寒疾。不能至上。怒頗解。意諸王有輕慢心。遣使責永中曰。已近公除。亦不須來。二月。丙戌。禱祭永中。始至。入臨幸。卯始克行。燒飯。禮。壬辰。永中及諸王朝辭。賜遺留物。禮過。雖在。而嫌忌自此始矣。四月。進封并王。三年。判平陽府事。進封鎬王。初。置王傅府。尉官名。為官屬。實檢制之也。府尉希望。風肯。過為苛細。永中自以世宗長子。且老矣。動有掣制情。思不堪。殊鬱鬱。乃表乞開居。詔不許。四年。鄭王永蹈。以謀逆。誅。增置諸王司馬。一負檢察門戶出入。毬獵游宴。皆有制限。家人出入。皆有禁防。河東提刑判官把里海坐私謁永中。杖一百。解職。前近侍局副使裴滿。可孫。嘗定永中請託。為石古乃求除官。可孫已改同知西京留守。猶坐免。故尚書右。

永樂大典

卷六七六六

丞張汝弼永中母舅也汝弼妻高陀幹自大定間畫永中母像奉之甚謹
挾左道為永中求福希親非望明昌五年高陀幹坐詛祝誅上疑事在永
中未有以發也。會錫王傳尉奏永中第四子阿離合邁因防禁嚴密語涉
不道詔同簽大睦親府事御史中丞孫即康鞠問并未得第二子神徒門
所撰詞曲有不遜語家奴德哥首永中嘗與侍妾瑞雪言我得天下子為
大王以爾為妃詔遣官覆按狀同再遣禮部尚書張暉兵部侍郎烏古論
慶裔覆之上謂宰臣曰錫王祇以語言得罪與永蹈罪異參知政事馬珙
曰永中與永蹈罪狀雖異人臣無將則一也上曰大王何故報出此言左
丞相清臣曰素有妄想之心也詔以永中罪狀宣示百官雜議五品以下
附奏四品以上入對使殿皆曰請論如律惟官籍監丞盧利用乞貸其死
詔賜永中死神徒門阿離合邁等皆棄市勅有司用國公禮收葬永中平
陽府監護官給葬具。妻子威州安置泰和七年詔復永中王爵賜諡曰厲
勅石古乃於威州擇地以禮改葬歲時祭奠貞祐二年詔徙永中妻子石
古乃等鄭州安置貞祐三年太原縣人劉全嘗為盜亡人衛真界詭稱愛
王所謂愛王指石古乃石古乃實未嘗有王封小人妄以此目之劉全欲
為亂因假託以惑眾誘王氏女為妻且言其子方聚兵河北東平人李寧
居嵩山有妖術全同縣人時溫稱寧可論大事乃使范元書偽號召之寧
至推為國師議僭立事覺全溫寧皆伏誅貞祐四年潼關破徙永中子孫
于南京興定二年亳州譙縣人孫學究私造妖言云愛王終當奮發今匿
跡民間自號劉二衛真百姓王深等皆信以為誠然有劉二者出而當之
道歐榮輩結構逆黨市兵仗大署旌旗謀僭立事覺誅死者五十二人緣
坐者六十餘人永中子孫禁錮自明昌至于正大未幾四十年天興初詔
弛禁錮未幾南
京亦不守云。

永樂大典卷六千七百六十六

六

鄭王

金史列傳鄭王永蹈本名銀木可初名石狗兒大定十一年封
為大興尹章宗即位判彰德軍節度使進封衛王明昌二年徙封鄭王三
年改判定武軍初在溫郭諫為太初與永蹈家奴畢慶壽私說識記災祥
畢慶壽以告永蹈郭諫頗能相人永蹈乃召郭諫相已及妻子諫說永蹈
曰大王相貌非常王妃及二子皆大貴又曰大王元妃長子不與諸王比
也永蹈召崔溫為太初論識記天象崔溫曰丑年有兵災屬先命者未年
春當收兵得位郭諫曰昨見赤氣犯紫微白虹貫月皆注丑後寅前兵戈

借亂事永蹈深信其說乃陰結內侍鄭雨兒伺上起居以崔溫為謀主郭諫馬太初往來游說河南統軍使僕散揆尚永蹈妹韓國公主永蹈謀取河南軍以為收與妹澤國公主長樂謀使駙馬都尉蒲刺覩致書于揆且先請婚以觀其意揆拒不許結婚使者不敢復言不執事永蹈家奴董壽諫永蹈不聽董壽以語同輩奴千家奴上變是時永蹈在京師詔平章政事完顏守貞參知政事胥持國戶部尚書楊伯通知大興府事尼龐古繼鞠門連引甚衆久不能決上怒召守貞等問狀右丞相夾谷清臣奏曰事責速絕以安人心於是賜永蹈及妃卞玉二子按阿辛公主長樂自盡蒲刺覩崔溫郭諫馬太初等皆伏誅僕散揆雖不聞問猶坐除名董壽免死歸監籍千家奴賞錢二千貫特遣五官雜班叙使自是諸王制限防禁家矣泰和七年詔復王封備禮改葬賜諡曰利以衛王永濟子按辰為永蹈後奉其祭祀

越王

金史列傳越王永功本名宋葛又名廣孫貞元二年生沉默寡言笑勇健絕人涉書史好法書名畫大定四年封鄭王七年進封隋王十一年進封曹王十五年除刑部尚書上曰侍郎張汝霖汝外男行也可學為政十七年授活活土世襲猛安十八年改大興尹世宗幸金

永樂大典卷六千七百六

七

蓮川始出中都親軍二蒼頭縱馬食民田詔永功蒼頭各杖一百彈壓百戶二人失覺察勒停上次望京浚永功奏曰親軍人止一蒼頭兩彈壓服勤為日久矣臣昧死違詔量決蒼頭使彈壓待罪可使償其田直惟陛下憐察上皆從之老姬與男婦慈道傍婦與所私相從亡去或告姬曰向見年少婦人自水邊小徑去矣姬告伍長蹤跡之有男子私殺牛手持血刃望見伍長意其捕已即走避之姬與五長疑是殺其婦也捕送縣不勝楚毒遂誣服問尸安在詭曰棄之水中矣求之水中果獲一尸已半腐縣吏以為是男子真殺若婦矣即具獄上永功疑之曰婦死幾何日而尸遽半腐哉頃之姬得其婦於所私者永功曰是男子偶以殺人就獄其拷掠足以稱殺牛之科矣遂釋之而去武清黃氏望雲王氏豪猾下逞永功發其罪畿內肅然二十三年判東京留守是月改河間為閬月改北京留守居無何上謂宰臣曰朕聞永功到北京為政無良雖朕子萬一敗露法可容乎朕已戒勅永功卿等可諭其長史伴臣正之到北京凡七月改東京留守世宗幸上京過東京永功從明年上還至天平山好水川皇太子薨詔永功護喪事尋拜御史大夫章宗封原王加開府儀同三司趙王永中及永功兄弟皆加開府儀同三司明年判太宗正事應州僧與永功有舊將

訴事于彰國軍節度使移刺胡剌。求永功手書與胡剌為地。胡剌得書奏之。上謂宰臣曰。永功以書囑事。胡剌此雖細微。不可不懲也。凡人小過不治。遂至大咎。有犯必懲。庶幾能改。是亦教也。皆曰。陛下用法無私。臣下敢不敬畏。於是永功解戎。未幾復判。太宗正事。章宗即位。除判平陽府事。進封冀王。永功之官隨引。繫人沈思存。過制限。當解職。上曰。朕知此事。當痛斷。監奴及治府掾長史。管轄府事者。罪仍著。于今家奴王唐犯罪。至徒永功。曲庇之。平陽治中高德喬。失覺察。笞四十。於是永功改判濟南府。詔永功曰。所坐雖細。事法令不得如此。今已釋矣。後母復然。濟南先帝舊治。風土甚好。可悉此意也。改授山東西路把魯古世襲猛安。二年判廣寧府事。進封魯王。明年判彰德府事。承安元年。進封郅王。明年判太原府事。泰和七年。改西京留守。八年。復判平陽府事。大安元年。進封熟王。判中山府事。明年。進封越王。宣宗即位。免常參。明年。從遷汴京。久之。詔永功每月朔一朝。興定四年。詔永功無朝。五年。有疾。賜御藥。疾革。賜尚醫診視。一日。遣使候問。是歲。薨。上哭之。慟。謚曰忠簡。子福孫壽孫粘沒曷。大定二十六年。詔賜福孫名璐。壽孫名瑋。粘沒曷名琳。是年。璐加奉國上將軍。章宗即位。加銀青榮祿大夫。封蕭國公。初。為興陵崇妃養子。常居京師。奉朝請。恭

永樂大典卷六千七百六十六

八

和五年辛。章宗報朝。百官進名奉慰。

潞王

金史列傳。潞王永德。本名說出。大定二十五年。與章宗及諸兄俱加開府儀同三司。二十七年。封薛王。明年。除秘書監。二十九

年。進判秘書監。進封潘王。明昌元年。授山東東路把魯古必刺猛安。三年。進封龜王。五年。遷勸農使。承安二年。進封潞王。承安三年。再任勸農使。泰和元年。有司劾永德。元日進酒。後期。有詔勿問。衛紹王時。累遷太子太師。宣宗即位。改同判大睦親府事。興定五年。遷判大睦親府事。子幹論。賜名瑋。

豫王

金史列傳。豫王永成。本名鶻野。又曰婁室。母昭儀梁氏。永成風姿奇偉。博學善屬文。世宗尤愛重之。大定七年。始封潘王。以太

學博士王彥潛為府文學。永成師事之。十一年。進封龜王。十五年。就外第。十六年。判秘書監。明年。授世襲山東東路把魯古猛安。判大睦親府事。既而改中都路。胡土孛哥。猛安。二十年。改授翰林學士。承旨。二十三年。判定武軍節度使事。尋改判廣寧府。二十五年。世宗幸上京。命留守中都。判吏部尚書。進開府儀同三司。為御史大夫。章宗即位。起復。進封吳王。真定府事。明昌元年。改山東西路。益買必刺猛安。明年。進封亮生軍民圍獵解

職奉表謝罪上賜手詔曰卿親實肺腑夙著忠純侍顯考於春宮曲盡友
于之愛洎冲人之繼統愈明忠赤之心艱難之中多所裨益朕心簡在
精莫窮用是起之苦塊之中授以維城之任自典藩服歲月荐更最爾
邦知驥足之難展矧哉鎮府固牛刀之莫施方思驛召以赴朝何意遽
於國憲偶因特獵頗擾部民法所不寬憲臺聞上朕尚含容累月未忍
行雖欲遂於私恩竟莫違於公議解卿前職即乃世封噫祖宗立法非
人之敢私骨肉至親豈千里而能隔以此退朋之小誠欲成終始之洪
經云在上不驕高而不危是以知節慎者脩身之本驕矜者敗德之源
朕每自勵今以戒卿昔東平樂善能成不朽之名梁孝奢淫卒致憂疑
之悔前人所行可為龜鑑卿兼資文武多藝多才履道而行何施不可
如能德業日新無慮牽復之晚朕素不工詞翰臨文草草直寫所懷莫
不以辭害意也未幾授沁南軍節度使三年改判咸平府事未赴移判
太原府事上以永成誕日親為詩以賜有美譽自應輝玉牒忠誠不待
啓金勝之語當世榮之七年改判平陽府事承安改元以章恩進封豫
明年冬進馬八十足以資守禦之備上賜詔獎諭曰卿夙有高尚時惟
茂親通達古今砥礪忠義方分憂於外服來輸駁於上闕欲助邊防以
增武備惟盡心於體國

永樂大典卷六千七百六

九

乃因物以見誠載念懇勤良深嘉獎五年再任俄召還以疾不能入見上
親幸其第臨視泰和四年薨計闈上為之震悼贈甚厚謚曰忠獻永成
自幼喜讀書晚年所學益醇每暇日引文士相與切磋接之以禮未嘗
見驕色自號曰樂善居士有文集行于世云

夔王

金史列傳夔王允升改名永升本名糾不出一名鶴壽大定十
一年封徐王進封虞王二十六年加開府儀同三司明年判吏
部尚書授山東西路按必出虎必刺猛安章宗即位加恩宗室徙封隋王
除定武軍節度使明昌二年改封曹王久之改封宛王衛紹王即位徙今
封貞祐元年九月宣宗以允升年高素羸疾詔宮中聽扶杖尋薨既殯燒
飯上親臨奠贊曰世宗保全宗室無所不至雖矯海陵之失亦由天資
仁厚而然也其子永中永蹈皆死章宗之手其理蓋有不可詰者章宗無
後則厥報不爽矣

鄆王

金史列傳鄆王琮本名承慶母田氏其後封裕陵充華琮儀觀
豐偉機警清辨性寬厚好學世宗選進士之有名行者納坦謀
嘉敷之女直小字及漢字皆通習及長輕財好施無愠色善吟詠不喜
人過至于騎射繪塑之藝皆造精妙大定十八年封道國公二十六年加

永樂大典

卷六七六六

崇進章宗即位。遷開府儀同三司封鄂王。明昌元年授婆連路獲大羅合打世集猛安留京師。五年薨。上輟朝親臨奠于殯所。謚曰莊靖。改莊惠。

瀛王

金史列傳。瀛王璩。本名桓。為鄆王琮之同母弟也。重厚寡言。內行修饒。工詩。精于騎射。書藝。女直大小字。大定二十二年封崇國公。二十六年加崇進章宗即位。遷開府儀同三司。封瀛王。明昌三年薨。

初葬事所須。皆從官給。命工部侍郎胥持國等典喪事。比葬。帝三臨奠。哭之慟。謚曰文敬。其後帝謂輔臣曰。王性忠孝。兄弟中最為善人。故朕嘗令在左右。溫王雖幼。亦佳。不旬俱逝。良可哀悼。瀛王從憲。本名吾里不。母劉氏。後封裕陵茂儀。大定二十六年。賜名琦。章宗即位。加開府儀同三司。封壽王。承安元年。以郊祀恩。進封英。四年。改封瀛。泰和五年。更賜今名。六年。授秘書監。八年。薨。從憲風儀秀峙。性寬厚。善騎射。待府僚以禮。秩滿去者。皆有贖幣。尤愛重。初以病聞。即臨問之。賜錢五百萬。還宮。詔府僚上其疾。增損狀。仍勅門司。夜一鼓。即奏。比五更。重言之。及薨。上哭之慟。為輓朝臨奠者。再諭旨。判大陸親府事。宛王永升曰。瀛王家事。叔宜規畫。聞其二姬方孕。若生子。即以付之。以右宣徽使移刺都護其喪。葬飲以內庫之服。其餘所須。亦從官給。謚曰敦懿。

永樂大典卷六千七百六十六

十

霍王

金史列傳。霍王從彝。本名阿憐。母田氏。早卒。溫妃石抹氏養焉。已子。大定二十五年。封宿國公。加崇進。二十六年。賜名瓚。章宗

即位。封沂王。明昌元年。諭旨。有司曰。豐鄆瀛沂四王府。各賜奴婢七百人。四年。詔追封故魯王永功為趙王。以從彝為趙王。後承安元年。為兵部尚書。改封恭。四年。除秘書監。泰和五年。賜今名。八年。封霍。貞祐二年。薨。

溫王

金史列傳。溫王玠。本名謀良。虎母王氏。後封裕陵婉儀。玠幼穎秀。性溫厚。好學。大定二十九年。章宗即位。加開府儀同三司。封

溫王。明昌三年。薨。年十一。計開。上為輓朝親臨奠哭之。謚曰悼敏。

胙王

金史列傳。胙王名從恪。衛紹王子也。大安元年。封胙王。是歲。從恪為左丞相。二年八月。立從恪為皇太子。至寧末。胡沙虎殺衛

王從恪。兄弟皆廢。居中。都貞祐二年。徙鄭州。四年。徙居南京。天興元年。崔立以從恪為梁王。汴京破。死焉。

絳王

金史列傳。絳王洪裕。大定二十六年生。是時顯宗薨。逾年。世宗深感及聞。皇曾孫生。喜甚。滿三月。宴于慶和殿。賜曾孫金鼎。金

有命重綵二十端。骨觀犀吐鶴玉山子。免兕垂頭一副名。馬二匹。章宗遣玉雙龍鎮紙。玉琵琶撥。玉鳳鈎骨觀犀具佩刀。衣服一襲。世宗御酒歌。乙夜方罷。二十八年十月丙寅。堯明昌三年。追封絳王賜名。

荆王

金史列傳。荆王洪靖。本名阿虎懶。明昌三年王生而警秀。上所鍾愛。四年堯承安四年。追封荆王。賜名加開府儀同三司。

榮王

金史列傳。榮王洪熙。本名訛魯。不明昌三年。生未滿月。堯承安四年。追封榮王。賜名加開府儀同三司。

英王

金史列傳。英王洪術。本名撒改。明昌四年生。未幾。堯承安四年。追封英王。賜名加開府儀同三司。

壽王

金史列傳。壽王洪輝。本名訛論。承安二年五月生。彌月封壽王。閏六月壬午。病急。風暴能醫者加宣武將軍。賜錢五百萬。甲申。疾愈。印無量壽經一萬卷。報謝。衍慶宮作普天大。

葛王

金史列傳。葛王忒隣。泰和二年八月生。上久無皇嗣。祈禱于郊。廟衍慶宮。亳州太清宮。至是喜甚。玆月將加封三等國號。無愜。熙七日。無奏刑名。仍禁屠宰。十月丁亥。堯備禮葬。

永樂大典卷六千六百六

十一

上意者。念世宗在位最久。年最高。初封葛王。遂封為葛王。十二月癸酉。生滿百日。故僧道度牒三千道。設醮玄真觀。宴于慶和殿。百官用天壽節禮。儀進酒稱賀。三品以上。進禮物。泰和三年堯。

荆王

金史列傳。荆王守純。本名盤都。宣宗第二子也。母曰真妃。龐氏。貞祐元年封濮王。二年為殿前都點檢。無侍衛親軍。都指揮使。

權都元帥。上諭帥府曰。濮王年幼。公事殊未諳。卿等毋以朕子。故不相規戒。凡見將校。令謙和。接遇可也。三年為樞密使。四年拜平章政事。與定元年。授世襲東平府路三屯猛安。三年以知管差除。今史梁獻誤書轉運副使。張正倫宣命。奏乞治罪。上曰。今史有犯。宰且自當治之。何必關朕耶。是年三月。進封英王。時監察御史程震言其不法。宣宗切責。杖司馬及大奴。尤不法者數人。四年九月。守純欲發丞相高琪罪。密召知樞蕭鮮。石魯刺。今史滿察。胡魯負外郎王阿里謀之。且屬令勿泄。而石魯刺胡魯。報以告。都事僕散奴失。不奴失。不白高琪及高琪伏誅。守純劾三人者。泄密事。奴失。不處死。除名。石魯刺胡魯。各杖七十。勒停。元光二年三月。壬子。上戒諭守純曰。始吾以汝為相者。庶幾相輔。不至為人譏病耳。汝乃惟飲酒耽樂。

公事漫不加省何耶吾常聞人言已過雖自有無之亦未敢容易去懷也
又曰吾所以責汝者但以宗飲不事事之故汝勿過慮遂至奪權今諸相
皆老臣每事與之商略使無貽物議足矣是年十二月庚寅宣宗病喉痺
危萬將夕守純趣入侍哀宗使至東華門已閉聞守純在宮分遣樞密院
官及東宮親衛軍總領移刺滿阿集軍三萬餘屯東華門外部署定扣門
求見都點檢駙馬都尉徒單合住奏中宮得旨領符鑰開門哀宗入宰相
把胡魯已遣人止丞相高汝礪不聽入宮以護四人監守純於近侍局是
夕宣宗崩明日哀宗即位正大元年正月進封荆王罷平章政事判睦親
府封真妃龐氏為荆國大妃三月或告守純謀不軌下獄推問慈聖宮皇
太后有言於帝由是獲免語在皇后傳守純三子長曰訛可封肅國公天
興元年三月進封曹王出貨於軍前次曰某封戴王次曰字德封華王天
興初守純有第產肉芝一株高五寸許色紅鮮可愛既而枝葉津流濡地
血臭不可聞剗去復生者再夜則房榻間群狐號鳴乘燭遂捕則夫所在
未幾訛可出質哀宗遷歸德明年正月崔立亂四月癸巳守純及諸宗室
皆死青城 贊曰詩云天難忱斯不易維王天位殷適使不挾四方信哉
守忠立為太子未幾而薨其子鏗立又薨哀宗後之嗣豈非天乎正大間
國勢日蹙本支殆盡哀宗尚且疎忌骨肉非明
惠之賢荆王幾不能死宣宗子維城之道哉

宗王

元史列傳宗王別里古台者烈祖之第五子太祖之季弟也天
性純厚明敏多智畧不喜華飾軀幹魁偉勇力絕人幼從太祖

平諸部落嘗從馬國法嘗以腹心遇敗則牽從焉其子孫最多居處近太
祖行在所南接按只台營地嘗從太祖宴諸部族或潛圖害別里古台以
刀斫其臂傷甚帝大怒欲索而誅之別里古台曰今將舉大事於天下其
可以臣故而生釁隙哉且臣雖傷甚幸不至死請勿治帝尤賢之當創業
之初征取諸國王未嘗不在軍中摧鋒陷陣不避艱險帝嘗曰有別里古
台之力哈撒兒之射此朕之所以取天下也其見稱如此嘗立為國相又
長扎魯火赤利投之印賜以蒙古百姓三千戶及廣寧路恩州二城戶一
萬一千六百三以為分地又以斡難怯魯之地建營以居江南平加賜信
州路及鉛山州二城戶一萬八千王薨子曰罕克忽曰也達不花曰口溫
不花罕克忽性剛猛知兵從憲宗征伐多立戰功及攻釣魚山而還道由
河南相來流亡百餘戶悉以入籍罕克忽子曰霍歷極薨于塔出嗣塔出性溫厚謙
祖俾居于恩以統其藩人至大三年霍歷極薨于塔出嗣塔出性溫厚謙

恭好學通經史能撫恤其民云也遠不花子曰瓜都中統三年始以推戴
功封廣寧王至元十三年賜銀印口温不花領兵河南屢建大功子曰滅
里吉台堯
吉刺台

廣寧王

元史古台孫瓜都中統三年封廣寧王詳見宗王

越王

元史列傳越王禿剌太祖次子察合台四世孫也少以勇力聞
大德十一年春成宗崩左丞相阿思台等潛謀立安西王阿難
答而推皇后伯岳吾氏稱制中外洵洵仁宗歸自懷孟引禿剌入內縛阿
忽台等以出誅之大事遂定武宗即位第功封越王錫金印以紹興路為
其分地禿剌居常快快有怨望意至大元年秋武宗幸涼亭將御舟禿剌
前止之帝曰爾何知朕欲舟禿剌曰人有常言一箭中麋母曰自能百禿
未得未可遽止此蓋國俗儕輩相祈之語而禿剌言之武宗由是銜焉既
而大宴萬歲山禿剌醉起解其帶擲諸地嗔目謂帝曰爾與我者止此爾
帝益疑其有異志二年春命楚王牙忽都丞相脫脫不章亦因鉄木兒鞠
之辭服遂伏誅子西安王阿剌忒納失里天曆初以推戴功進封豫王

永樂大典卷六十六

十三

豫王

元史西安王阿剌忒納失里天曆初以推戴功進封豫王

楚王

元史列傳楚王牙忽都祖父撥綽魯宗庶子也撥綽之母曰馬
一實乃馬真氏撥綽驍勇善騎射憲宗命大將軍北征欽察有
功賜號拔都歲丁巳分土諸侯王賜益州三千三百四十七戶為其食邑
撥綽娶察渾滅兒乞氏生薛必烈傑兒薛必烈傑兒娶弘吉剌氏生牙忽
都牙忽都年十三世祖命襲其祖父統軍至元十二年從北安王北征十
三年失列吉叛遣人誘脅之牙忽都不從事王益忠謹入魯渾拔都兒粘
闊真海都通相率引去王遣牙忽都將兵追之擒八魯渾等以獻未幾失
列吉約木忽兒脫帖木兒等反以兵攻王脫帖木兒生致牙忽都使失列
吉拘繫之牙忽都與王親臣那台等謀逃歸事覺那台等被殺獲繫牙忽
都囚辱備至十四年兀魯兀台伯顏帥師討叛失吉列約木忽兒迎戰牙
忽都潛結赤斤帖木兒禿禿哈亂其陣失列吉軍亂因得脫走見帝鬚髮
盡白帝問之賞賚甚厚至元十八年加封未陽州五千三百四十七戶二
十一年命與禿禿哈同討海都牙忽都先遣邊得謀人知其虛實直前衝
敵陣破其精兵海都敗走得所俘掠軍民而還朵兒朵哈上其功詔賜鈔

永樂大典

卷六七六六

帶鎧甲弓矢其後北安王駐帖木兒河乃顏也不堅有異圖也不堅引兵趨怯綠憐河大帳王道闕出充充哈率衆追之那懷之民擾攘不知所從牙忽都將三百騎進至阿赤怯地會王帳下避萬思部兵逃去牙忽都諭之使還時怯必充忽兒霍台誘蒙古軍二萬從乃顏牙忽都知之夜襲其河上軍突入帳中遇忽都滅兒堅幾獲之間道逸去二十七年海都入寇時朵兒朵哈方居守大帳詔遣牙忽都用力備禦軍未戰而潰牙忽都妻帶輜重馳不思哈刺嶺上悉為藥木忽兒明理帖木兒所掠牙忽都與其子脫列帖木兒相失獨與十三騎奔還世祖撫慰嘉歎賜爵鎮遠王塞金銀印以弘吉剌氏女賜之資裝特厚後命納里忽徹徹不花往錫命其部屬同時被剽掠者以故相桑哥家財分賜之仍各賜白金五十兩殊于一酒卮鈔幣稱是又命牙忽都居北安王弟二帳王薨帝命掌大帳因詳成宗立命牙忽都常侍左右武宗撫兵漠北請以子脫列帖木兒從大德五年海都為生合軍入寇脫列帖木兒將兵千人擁護先後力戰功多在軍十年成宗崩安西王阿難答與明理帖木兒窺望神器牙忽都曰世祖皇帝之嫡孫在神器所當屬安西藩王之入繼非制武宗即位以其父子勞勩忠勤益厚遇之遣封楚王賜金印置王傳以駙馬都尉都剌哈之女

永樂大典卷六七六六

十四

弟弘吉烈氏為楚王妃又以叛王察八兒親屬賜之脫列帖木兒襲封鎮遠王至大三年察八兒未歸宗親皆會牙忽都進曰太祖皇帝削平四方淮南土未定列聖嗣位未遑統一世祖皇帝混一四海願惟宗室諸王弗克同堂而燕今陛下洪福齊天拔都罕之裔首已附順叛王察八兒舉族未歸人民境土悉為一家地大物衆有可恃者焉有不可恃者焉昔我太祖有訓世祖誦之臣與有聞治亂國者宜以法齊之所以辨上下定民志今請有以整飾之則人將有所勸懲惟陛下鑒之帝嘉納其言牙忽都薨仁宗命脫列帖木兒嗣楚王延祐中明宗西出脫列帖木兒坐累徙西番沒入其家質之半明宗即位制曰脫列帖木兒何罪其轉徙籍沒豈不以我故耶其後故號人民質皆悉歸之脫列帖木兒薨于八都兒立八都兒亮有子三人曰燕帖木兒曰達哥帖木兒曰朵羅不花燕帖木兒嗣時年十有二紀弘吉剌氏哈只兒駙馬之女孫達哥失里皇后之從妹也

鎮南王

元史世祖紀至元二十一年六月甲寅封皇子脫歡為鎮南王賜塗金銀印駐鄂州

威順王

元史列傳威順王寬徹善花世祖之孫鎮南王脫歡子也泰定三年封威順王鎮武昌賜金印撥付怯薛丹五百名

又自募至一千名，設王傅官屬。湖廣行省供億錢糧，衣裝歲支米參萬石，錢參萬二千錠，人日給王子諸妃飲饌，文宗天曆初賜寬徹普化金銀各五十兩，幣三十匹。仍鎮湖廣而寬徹普化縱恣，薛等官侵奪民利，民頗患苦之。至元五年，太師伯顏矯制召赴京，脫之及脫，脫為相，始明其無辜。命後還鎮。至正二年，湖北廉訪司糾言寬徹普化恃以宗室，恣行不法，不報。十一年，徐壽輝為亂，起斬黃寬徹普化與其子別帖木兒。答帖木兒引兵至金剛臺，壽輝部將倪文俊敗之，執別帖木兒。十二年，壽輝偽將鄒普勝陷武昌，寬徹普化與湖廣行省平章和尚棄城走，詔追奪寬徹普化印而誅和尚。十三年，湖廣行省參知政事阿魯輝克復武昌及漢陽，寬徹普化獲率領王子并本部怯薛丹屢討賊立功。十四年，詔寬徹普化復鎮武昌。還其印。十六年，命寬徹普化與宣讓王帖木兒不花以兵鎮通懷慶，各賜黃金一錠，白金伍錠，幣帛九匹，鈔二十錠。未幾，復還武昌，命其子報恩以接待奴佛家奴以大舡四十餘隻，水陸並進，至沔陽，攻徐壽輝偽將倪文俊，且載妃妾以行，兵至漢川，縣鷄鳴，汶水淺，舡間不能行文，俊以大筏盡焚，其舡接待奴佛家奴皆遇害，而報恩奴自死，妃妾皆陷。寬徹普化走陝西。二十五年，侯伯顏答夫奉寬徹普化自雲南經蜀轉戰而去，至成州，欲

永樂大典卷六千七百六十六

十五

之京師，李思齊以取蜀為名，拒不令行，俾屯于成州，以沒其子曰和尚者，封義王。侍從順帝左右，多著勞効，帝出入常與俱。至正二十四年，字羅帖木兒稱兵犯關，遂為中書右丞相，總握國柄，恣為淫虐。和尚心忿其無君數，為帝言之，受密旨，與儒士徐士本謀，交結勇士上都馬、金那海、伯顏達兒帖古思不花、火你忽都洪寶、寶黃哈刺八充龍從雲陰，圖刺字羅帖木兒。帝期以事濟，放鴿鈴為號。徐士本掌之。明年七月，字羅帖木兒入塞，事行至延春閣，李樹下伯顏達兒自象中奮出，斫字羅帖木兒中其腦。上都馬等競前斫死之。詳見字羅帖木兒傳。二十八年，順帝將北奔，詔准王帖木兒不花監國，而以和尚佐之。及京城將破，即先遁，不知所之。

宣讓王

元史列傳宣讓王帖木兒不花，世祖孫鎮南王脫歡第四子也。初，世祖第九子脫歡以討安南無成功，終身不許見。

遂封鎮南王。出鎮揚州，脫歡薨，子老章襲封鎮南王。老章薨，弟脫不花襲封鎮南王。脫不花薨，子字羅不花幼帖木兒不花乃嗣為鎮南王。文宗天曆初，賜帖木兒不花黃金五十兩，白金五十兩，幣三十匹。二年，字羅不花已長，帖木兒不花請以其位復還，字羅不花朝廷以其讓而不居也，改封

宣讓王賜金印移鎮於廬州順帝至元元年撥廬州饒州牧地一百頃賜之二年賜市宅錢四千錠命其王府官凡班次列于有司之右五年伯顏擅權矯制貶帖木兒不花及威順王寬徹普化至脫脫為相始言于帝明此兩王者皆無辜詔令徙還鎮至正十二年廬州境內賊起淮西廉訪使陳思謙言于帖木兒不花曰王以帝室之胄鎮撫淮甸豈宜坐視且府中官屬及怯薛丹人等數甚多必有可使推鋒陷陣者惟王圖之帖木兒不花大悟其言曰此吾責也即命以所部及諸王乞塔歹等分道擊賊擒其渠帥廬州境內皆平帝聞之賜金帶銀鈔以賞其功十六年命帖木兒不花與寬徹普化以兵鎮遏懷慶路賜金銀各一錠幣帛九匹鈔二十錠既而汝穎之寇南渡淮帖木兒不花後以便宜調為陝七軍拒之及廬州不守乃挈身北歸留京師二十七年進封淮王賜金印設王傅等官二十八年大明兵逼京師順帝北奔詔以帖木兒不花監國而拜慶童中書左丞相輔之俄而城破帖木兒不花死之年八十三

雲南王

元史安南國王傳中統四年十一月詔封皇子烏雲南王住鎮大理節制交趾諸國

北平王

元史世祖紀至元三年六月丁卯封皇子南木合為北平王以印給之

河平王

元史世祖紀至元五年六月封諸王習怯吉為河平王賜馳鈕金印

晉王

元史列傳顯宗皇帝諱甘麻剌裕宗長子也至元中奉旨鎮北邊二十六年世祖以其居邊日久特命獵于柳林之地北還親

安西王

元史本紀世祖至元九年冬十月丙戌朔封皇子忙哥剌為安西王又泰定紀至治三年三月癸巳以諸王月魯

鐵木兒襲封安西王

武威西寧王

元史本紀成宗大德八年十一月辛丑封諸王出伯為武威西寧王賜金印

懷寧王

元史本紀成宗大德八年十月庚寅封皇姪海山為懷寧王賜金印

衛安王

元史本紀成宗大德九年二月丁酉封諸王完澤為衛安王賜金印

寧王

元史本紀武宗即位大德十一年六月己未封寧遠王闊闊出為寧王賜金印

北寧王

元史本紀大德十一年武宗即位秋七月丁丑封諸王迭里哥兒不花為北寧王

齊王

元史武宗紀大德十一年武宗即位秋七月丁丑封諸王八不沙為齊王

充王

元史武宗紀三年十月丁卯封諸王木八刺子買住韓為充王

衛王

元史武宗紀三年四月封諸王完者為衛王

懷王

元史明宗紀至治二年恭定帝弟圖帖睦爾以懷王出居建康

泰寧王

元史恭定紀至治三年十二月丙戌旭邁傑言近也先鐵木兒之變諸王買奴逃赴潛邸今日等謀宗戚之中能自

永樂大典卷之六千七百六十六

七

拔逆黨盡忠朝廷者惟有買奴請加封賞以示激勸遂以泰寧縣五千戶封買奴為泰寧王

并王

元史恭定紀泰定二年六月甲申改封嘉王見火帖木兒為并王

宣靖王

元史恭定紀泰定三年正月壬子封諸王買奴為宣靖王鎮益都

肅王

元史本紀天曆二年八月戊申文宗封諸王寬徹為肅王

文濟王

元史順帝紀元統二年四月庚申封宗室蠻子為文濟王

荆王

元史順帝紀至元元年十二月壬辰詔宗室脫脫木兒襲封荆王賜金印命掌忙未諸軍設立王府官屬

永樂大典卷之六千七百六十六